

T 3205/1129.83

20

本冊缺頁、裝訂問題系原書原貌

下

同

清

本

及

吟

詩

李

文

元和縣志卷之三十五

藝文

同沈恭子遊虎邱

清遠道士

我本長殷周遭罹歷秦漢四瀆與五岳名山盡幽竄
及此客區中始有近峯玩近峯何鬱鬱平湖渺瀰湯
吟挽川之陰步上山之岸山川共澄徹光彩交凌亂
白雲翳欲歸青松忽消半客去川魚靜人來山鳥散
谷深中見日崖幽曉非旦聞子盛遊遨風流足詞翰
嘉茲好松石一言常累歎勿謂予鬼神忻君其幽贊

塔佛大學漢和
圖書館珍藏印

一八和鼎志 卷三十三
遊虎邱寺觀清遠道士詩追和其韻

唐皮日休

成道自衰周避世窮炎漢荆杞雖云梗煙霞尚容窟
茲岑信靈異吾懷愜流玩石澀古鐵釘嵐重輕埃漫
松膏膩幽徑蘋沫著孤岸諸蘿幄幕暗衆鳥陶匏亂
巖罅地中心海光天一半元猿行列歸白雲次第散
蟾蜍生夕景沆瀣餘清旦風日采幽什墨客學靈翰
嗟予慕斯文一詠復三歎顯晦雖不同茲吟粗堪贊

從永陽王遊虎邱山

陳張正見

滄波壯鬱島洛邑鎮崇芒未若茲山麗岩堯擅水鄉
地靈侔少室塗艱像太行重巖標虎踞九曲峻羊腸
溜深澗無底風幽谷自涼柙沉餘王氣劔隱絕星光
白雲多異影丹桂有叢香遠看銀臺聳洞塔雜山莊
瑞草生金地天花照石梁

陪陸長源裴樞遊武邱寺

唐皎然

雲水夾雙刹遙疑湧平陂入門見藏山元化何繇窺
曳組探詭怪停驂訪幽奇情高氣爲爽德暖春亦隨
瑤草自的皪黃樓爭蔽虧金精發壞陵劔彩沉靈池

一覽匝天界中峯步未移應來生公石列坐援松枝

題東武邱寺

白居易

香刹看非遠祇園入始深龍蟠松矯矯玉立竹森森
怪石千僧坐靈池一劔沉海當亭兩面山在寺中心
酒熟憑花勸詩成倩鳥吟寄言軒冕客此地好抽簪

夜遊西武邱寺

白居易

不厭西邱寺閒來即一過舟船轉雲鳥樓閣出煙蘿
路入青松影門臨白月波魚跳驚乘燭猿覷怪鳴珂
搖曳雙紅旆娉婷十翠娥

谷滿蟬聲等十妓從遊也

香花助羅綺

鍾梵遊笙歌領郡時將久遊山數幾何一年十二度
非少亦非多

武邱寺路

白居易

自開山寺路水陸往來頻銀勒牽驕馬花船載麗人
芰荷生欲遍桃李種仍新好約湖堤上長留一道春

武邱寺路宴留別

白居易

銀泥裙映錦障泥畫舸停橈馬簇蹄清管曲終鸚鵡
語紅旂影動駮輪嘶漸銷醉色朱顏淺欲語離情翠
黛低莫忘使君吟咏處女墳湖北虎邱西

遊虎邱

劉禹錫

青林虎邱寺林際翠微路立見山僧來遙從鳥飛處
茲峯淪寶玉千載惟邱墓埋劍人空傳鑿山龍已去
捫蘿披翳蒼路轉夕陽遽虎嘯崖谷寒猿鳴松杉暮
徘徊北樓上海江窮一顧日映千里帆鴉歸萬家樹
暫因愜所適果得捐外慮庭暗棲還雲簷香滴甘露
久迷空寂理多爲聲華故永欲投此山餘生豈能誤
發蘇州後登武邱寺望海樓
劉禹錫

獨宿望海樓夜深珍木冷僧房已閉戶山月方出嶺

碧池涵劍彩寶刹搖星影却憶郡齋中虛眠此時景

虎邱寺

張籍

望月登樓海氣昏劍池無底浸雲根老僧只怕山移
去日暮先教鎖寺門

題虎邱東寺

張祐

雲樹擁崔嵬深行異俗埃寺門山外入石壁地中開
仰砌池光動登樓海氣來傷心萬古意金玉葬寒灰

題虎邱西寺

張祐

鬢塵楚城外一寺枕通波松色入門遠岡形連院多

花時常到處別路半經過惆悵舊禪客空房深薜蘿
虎邱石壁詩
幽獨君

青松多悲風蕭蕭聲且哀南山接北山幽壙空崔嵬
白日空昭昭不照長夜臺雖知生者樂魂魄安能回
况復念所親痛哭心肝摧慟哭復何言哀哉復哀哉

答幽獨君詩

無名氏鬼

神仙不可學形化空遊魂白石非我朝青松爲我門
雖復隔幽壙猶知念子孫何以遣悲怨萬物歸其根
寄言世上人莫厭臨芳罇莊生問枯骨王樂復何言

虎邱

宋范仲淹

昔見虎耽耽今爲佛子巖雲寒不出寺劒淨未離潭
幽步蘿垂境高禪雪閉庵吳都十萬戶烟瓦亘東南

虎邱

蘇軾

入門無平地石路穿細嶺陰風生澗壑古木翳潭井
湛盧誰復見秋水光耿耿鐵花秀巖壁殺氣禁蛙黽
幽幽生公堂左右立頑礪當年或未信異類服精猛
胡爲百歲後仙鬼互馳騁窈然留清詩讀者爲悲哽
東軒有佳致雲水麗千頃熙熙覽生物春意破清冷

元和縣志 卷三十五 五
我獨屬無事暖日相與永喜鵲翻初旦愁鳶蹲落景
坐見漁樵還新月溪上影悟彼良自怡歸田行可謂

虎邱

元 郊 韶

春草青青繞闔閭山深石徑轉崎嶇空聞落日騰金
虎無復重泉闕玉鳧陸羽井深春雨歇生公石在白
雲孤傷心莫問魚腸劍怨逐秋聲上轆轤

雪霽顧仲瑛借予與陳惟允坐劍池上惟允爲

寫圖因賦詩云

郊 韶

殘雪落林度西嶺陰澗寒泉凝素縷兩僧倚樹聽微

鍾一鶴臨流照清影松間旭日映山椒白雲英英如
雨飄何當爲置王摩詰更添一樹紅芭蕉

題張校理王著作徐記室遊虎阜

明 高 啟

前身似是雲水僧餘習愛覓名山登最憐虎阜在平
地一邱勢敵千峻嶒缺厓深深翳密葉欹石兀兀纏
危藤昔年無事恣幽賞拄杖叩門來屢曾風廊聽竹
移廣簟雪屋煨芋明高燈禪堂素壁醉題滿老衲喜
客無嗔憎別來三載困塵土散落畧盡同遊朋谷猿

清叫烟霧隔宵夢欲往天蒼蒼幽懷鬱抱不得寫一
 月雨聲眠枕肱相親尚有北郭友材盡齊楚慙曹滕
 張君名駒稟神駿王子快鶴生鋒稜並淹客館校遺
 籍雲路萬里違騫騰徐卿亦是珊瑚器遠役又欲行
 擔登明朝山鵲定鳴霽跬步可游何不能一林一澗
 幽景在遙想與鵲無虧增朱櫻綠笋雖已過正愛夏
 木陰層層欲營此行况甚易婦有藏酒魚新罾出城
 不必借車馬已辦布襪青行滕吾儕雖窮自有樂相
 聚豈比蟲翳翳亂雜撥置且勿道願賦妙語留傳騰

劔池

高 啟

干將欲飛出巖石裂蒼礦中間得深泉探測廢脩綆
 一穴通海源雙厓樹交影山中多居僧終歲不飲井
 殺氣凜猶在棲禽夜頻警月來照潭空雲起噓壁冷
 蒼龍已何去遺我清絕境聽轉轆轤聲時來試幽茗

第三泉亭聯句

王鏊 王銓
都穆

鑿開孤嶂一痕青鏊 洞酌還來漱玉亭銓 霜落丹楓
 秋欲老穆 池涵寶劔氣無腥鏊 煎從桑苧傳三昧飲
 對離騷喜獨醒却怪又新多浪語銓 獸於楊子詫中

洽穆

題虎邱

日本僧天祥

東西兩寺今爲一有客登臨見斷碑剩水殘山王霸業苦風酸雨鬼仙詩樓臺半落長洲苑簫鼓時來短簿祠盤郢魚腸何處是轆轤千尺嚮空池

虎邱中秋新霽

國朝吳偉業

萬籟廣場合道人心地平天留今夜月雨洗去年兵歌管星河動禪燈風露清淒涼闔閭墓斷壑起松聲癸巳春日禊飲社集虎邱卽事四首

劔池

高啟

干將欲飛出巖石裂蒼礦中間得深泉探測廢脩綆一穴通海源雙厓樹交影山中多居僧終歲不飲井殺氣凜猶在棲禽夜頻警月來照潭空雲起噓壁冷蒼龍已何去遺我清絕境聽轉轆轤聲時來試幽茗

第三泉亭聯句

王鏊 王銓 都穆

鑿開孤嶂一痕青鏊 洞酌還來漱玉亭銓 霜落丹楓

秋欲老穆 池涵寶劔氣無腥鏊 煎從桑苧傳三昧飲

對離騷喜獨醒却怪又新多浪語銓 馱於楊子詫中

洽穆

題虎邱

日本僧天祥

東西兩寺今為一有客登臨見斷碑剩水殘山王霸業苦風酸雨鬼仙詩樓臺半落長洲苑簫鼓時來短簿祠盤郢魚腸何處是轆轤千尺嚮空池

虎邱中秋新霽

國朝吳偉業

萬籟廣場合道人心地平天留今夜月雨洗去年兵歌管星河動禪燈風露清淒涼闔閭墓斷壑起松聲
癸巳春日禊飲社集虎邱卽事四首

美穀雨纔晴綠樹深才少不堪文字飲與酣那惜短

長吟麥秋時節須行樂已分功名付陸沉

恭紀

尤侗

萬歲樓落成

闐闐天高紫氣浮蒼龍夙駕下蘇州春風初繞千人

石曉日羣瞻

萬歲樓漢詔蠲租追地節唐碑頌德勝之采吾

皇遊豫民歌舞虎阜從今號

帝邱

真娘墓

唐白居易

真娘墓虎邱道不識真娘鏡中面唯見真娘墓頭草
霜催桃李風折蓮真娘死時猶少年脂膚黃手不牢
固世間尤物難留連難留連易消歇塞北花江南雪

真娘墓

李商隱

虎邱山下劔池邊長遣遊人歎逝川骨樹斷絲悲舞
席出雲清梵想歌筵柳眉空吐效顰葉榆莢還飛買
笑錢一自香魂招不得祇應江上獨嬋娟

真娘墓

宋譚銖

虎邱山下冢纍纍松柏蕭條盡可悲何事世人唯顧
色真娘墓上獨留詩

真娘墓

明梅鼎祚

何不學仙冢纍纍白陽西郭陰風悲虎邱一叩真娘
墓薜荔援牆蘭委露千歲蒙茸幾樹花夜飄鬼火曉
啼鴉向憐挾瑟彈清月猶憶吹簫乘彩霞吳閫少年
往來道黛蛾釵燕誰能好酒滴春雲夢不消泉聲幽
咽鐘聲老陌上行遊緩緩歸昨日紅顏今日非東望
闔閭穿葬處玉鳧欲化湛盧飛

顧湄云按此詩曹石倉名勝志載為宋米芾作蓋
 錄吳中有含翠亭偽帖曾假是詩託元章以行題
 曰元豐壬辰米芾書流傳人間即博洽如石倉尚
 不能辨及考元豐紀元始戊午終乙丑而無壬辰
 其敗闕已見史明古有言世之作偽者幸其淺陋
 不學古人得而議之此類是也今從禹珠集中錄
 是詩以
 正之

女墳湖

吳王葬
女處

唐
陸龜蒙

水平波淡遠迴塘鶴殉人沈萬古傷應是離魂雙不
 得至今沙上少鴛鴦

五人墓行

國朝
邵長蘅

春光澹沲山塘路遊絲晴絮嬌芳樹路旁剝落三二尺

碑云是前朝五人墓借問五人誰中央突兀顏佩韋
 東西四塚排纍纍墓門晝鎖松風迴書生曾讀前朝
 史依稀能說前朝事天啟年間歲在寅緹騎四出驚
 狂獬此時一舸飛吳閭芻蕘繡襖來昂藏吏部短衣
 出就逮觀者擁塞如堵牆轟轟萬口那可辨哭聲震
 天日色黃五人大呼奮臂起形勢歛忽歷羹塘誰何
 一校先橫屍中丞却避御史忙詔收棄市罪激變至
 今死骨傳芬芳憶昔逆閹恣塗炭銀斧銅甕衣冠殃
 諸公駢首填牢戶東林首指左與楊篋輿就考備五

毒尸蟲噬肌不得葬叶 閻奴更灼熏天燄穹祠金榜
蛟龍翔鳳闕敢擬至尊埒龜趺忽立成均旁往往嵩
呼九千歲冕旒袞玉爭輝煌寧知勢歇頓翻覆七尺
自絕阜城吭生祠處處毀斥盡木石估值充邊防豈
惟闔祠旋毀撤廿年變故那能說鼎湖鳧雁飛滿天
鍾山天壽狐狸穴玉匣珠襦夜不扃皇陵白骨愁冬
青眼前寂寞一坏土叅天檜栢蒼蚪鱗年年寒食山
橋畔指點飛花說五人

山塘旅寓二首

明姜 塚

憶弟看雲日飄零滿地愁烽烟迷古戍花草轉皇州
作客猶初夏携家及暮秋向來登眺意憔悴仲宣樓
地接蒼山遠年催白髮新登臨興廢眼離亂死生身
秋水有孤鶩寒塘無幾人渡江諸弟子隨意五湖春

山塘紀事二首

國朝 朱葵尊

寒食山塘路游人隊隊偕桁楊充臯隸肅鼓導神牌
紅粉齊當牖銀花有墮釵殷勤短主簿端笏立乍階
吳俗迎城隍神至虎邱道士以王
珣地主袍笏立乍階延至厲壇
神來官道擁祝祭厲壇仍活脫青袍引縱橫繡幃乘

巫風書具訓奢俗禮宜懲手版紛紛集吾憐張季鷹
吳俗土穀神城內外各十多以手版迎城隍張翰祠葑門外亦與焉

寄顧云美

國朝 汪琬

遙羨風流顧愷之愛翻新曲覆殘碁家臨綠水長洲
苑人在青山短簿祠芳草乍逢飛燕候落花已過浴
蠶時一春不得同遊賞孤負風光滿鬢絲

闔閭城西有賣花翁討春之士往往造焉因招

襲美

唐 陸龜蒙

故城邊有賣花翁水曲舟輕去盡通十畝芳菲為舊

業一家煙雨是元功閑添藥品年年別笑指生涯樹
樹紅若要見春歸處所不過攜手問東風

賣花辭

山塘多種花者

明 高啟

綠盆小樹枝枝好花比人家別開早陌頭擔得春風
行美人出簾聞叫聲移去莫愁花不活賣與還傳種
花訣餘香滿路日暮歸猶有蜂蝶相隨飛買花朱門
幾回收不如擔上花長在

種花

國朝 邵長蘅

山塘映清溪人家種花樹清溪鴨頭青門前虎邱路

春陽二月中雜花千萬叢朝賣一叢紫夕賣一叢紅
百花百種態牡丹大嬌貴一株百朶花十千朶能賣
朱門買花還四面護紅闌繡幕遮風日嬌歌聞清彈
復有閒花木點綴白石盆咫尺邱壑趣屈蟠松檜根
買寘几案間一盆直千銀老圃解種花老農解種穀
種穀輸官租種花豔儂日種花食肉糜種穀食糠粃
還復受敲朴肉剝難爲醫嗟呀重嗟呀老農苦奈何
呼兒賣黃犢明年學種花

宿半塘寺

宋 鄭思肖

一襟清氣足此夜豈人寰醉影松杉下吟身風露間
秋懸當殿月雲宿近城山明發騎鯨去飄然不可攀

題半塘寺顧叔明畫松壁

明 孫 寧

顧君叔明善畫松筆勢直與韋偃同片縑幅紙不易
得人爭一覩清雙瞳玉岩上人卽粲可早躋十地成
全功禪房素壁耀霜雪繪畫未許來庸工叔明對此
役意匠捉筆跳叫聲摩空須臾貌作老蛟影毫端瞥
若回腥風隔坐時疑翠濤響鉤簾或訝元雲封宿鶴
已去落花盡庭前細雨春濛濛老夫尋幽適相遇覽

之便覺心神融酒酣信手一揮洒醒媿浣花溪上翁

臨頓里

唐皮日休

郭郭曠若郊墅余每相訪欵然惜去因成五
言十首奉題屋壁

一方蕭灑地之子獨深居繞屋親栽竹堆床手寫書
高風翔砌鳥暴雨失池魚暗識歸山計村邊買鹿車
籬疎從綠槿簷亂任黃茆壓酒移溪石煎茶拾野巢
靜窓懸雨笠閒壁挂煙匏支遁今無骨誰爲世外交
繭稀初上簇醅盡未乾床盡日留蠶母移時祭麴工

趁泉澆竹急候雨種蓮芒更茸園中景應爲顧辟疆
靜僻無人到幽深每自知鶴來添口數琴到益家資
壞塹生魚沫頽簷落燕兒空將綠蕉葉來往寄閒詩
夏過無擔石日高開板扉僧雖與筒簞人不典蕉衣
鶴靜共眠覺鷺馴同釣歸生公石上月何夕約談微
經歲岸烏紗讀書三十車水痕侵病竹蛛網上衰花
詩任傳漁客衣從遞酒家知君秋晚事白幘刈胡麻
寂歷秋懷動蕭條夏思殘久貧空酒庫多病束魚竿
元想凝鸛扇清齋拂鹿冠夢魂無俗事夜夜到金壇

閉門無一事安穩睡涼天砌下翹飢鶴庭陰落病蟬
倚杉閒把易燒木靜論元賴有包山客時時寄紫泉
病起扶靈壽倏然強到門與杉除敗葉爲石整危根
薜蔓狂遮壁蓮莖卧枕盆明朝有忙事召客斲桐孫
緩頰稱無利低眉號不能世情都大薄俗意就中憎
雲態不知驟鶴情非會微小臣誰奉詔來此寫姜肱

襲美題郊居十首次韻酬之

陸龜蒙

近來惟樂靜移傍故城居閒打脩琴料時封謝藥書
夜停江上鳥晴晒篋中魚出亦圖何事無勞置棧車

倩人醫病樹看僕補衡茅散髮還同阮無心敢慕巢
簡便書露竹樽待破霜匏日好林間坐烟蘿僅欲交
倭僧留海紙山匠製雲牀懶外應無敵貧中直是王
池平鷗思喜花盡蝶情忙欲問新秋計淩絲一畝強
故山空自擲當路竟誰知祇有經時策全無養拙資
病深憐炙客炊晚信樵兒謾欲陳風俗周官未采詩
福地能容擊元關詎有扉靜思瓊板字閒洗鐵筇衣
鳥破涼煙下人衝暮雨歸故園秋草夢猶記綠微微
水影沉魚器鄰聲動緯車燕輕捐墜葉蜂懶卧樵花

說史評諸例論兵到百家明時如不用歸去種桑麻
禹穴竒編缺雷平異境殘靜吟封籙檢歸興削帆竿
白石堪爲飯青蘿好作冠幾時當斗柄同上編壇
強起披衣坐徐行處暑天上堦來鬪雀移樹去驚蟬
莫問鹽車駿誰看醬瓿元黃金如可化相近買雲泉
野入青蕪巷陂侵白竹門風高開栗刺沙淺露芹根
迸鼠緣藤桁飢鳥立石盆東吳雖不改誰是武王孫
踈慵真有素時勢盡無能風月誰爲敵林泉幸未憎
酒材經夏闕詩債待秋徵祇有同君僻閑來對曲肱

題陸山人樓

山人名去奢樓
爲戴顓宅故址

唐儲光義

暮聲雜初雁夜色涵早秋獨見海中月照君池上樓
山雲拂高棟天漢入清流不惜朝光滿其如千里遊

寄馮侍御

白居易

揚州驛裡夢蘇州夢到花橋水閣頭覺後不知馮侍
御此中昨夜共誰遊

師子林十二咏

明高啟

師子峰

風生百獸低欲吼空山夜疑是天目巖飛來此山下

含暉峰

演漾弄晴暉江山秋歛扉我吟康樂句日暮澹忘歸
吐月峰

四更棲鳥驚山白初上月起開東閣看正在雲峰缺
立雪堂

堂前參未退立到雪深時一夜山中冷無人祇自知
卧雲室

夕卧白雲合朝起白雲開惟有心長在不隨雲去來
問梅閣

問春何處來春來在何許月墮花不言幽禽自相語
指栢軒

清陰護燕几中有忘言客人來問不應笑指庭前栢
玉鑑池

一鏡寒光定微風吹不波更除荷芰影放取月明多
冰壺井

圓熒夏生冰光涵數星冷窻有定中僧休牽轆轤綆
脩竹谷

翠竹落經床林鳩午鳴後笋出恐人來編籬遮谷口

小飛虹

初看卧波影應恐雨崇朝過澗尋師去端如度石橋

大石屋

渾沌復輪囷全無斧鑿紋門臨五湖水坐納四山雲

弔七姬冢

高啟

疊玉連珠棄草根仙遊應逐馬鬼竄孤墳掩夜香初
冷幾帳留春被尙温佳麗總傷身薄命艱危未負主
多恩爭妍無復呈歌舞寂寂蒼苔鎖院門

百口橋

王賓

百口橋邊春日斜舊時開遍紫荊花山東人說張公
藝此是吳中顧訓家

東禪

宋僧遇賢

門前綠樹無啼鳥庭下蒼苔有落花聊與東風論箇
事十分春色在誰家

登文星閣

國朝程邑

城隅瞻眺對芳春傑閣巍峩迥絕塵憑檻應疑到霄
漢捲簾長可摘星辰千年俎豆威儀肅三月鶯花氣
象新猶有名山異書在劍光遙燭斗牛津

定慧院顯師為予竹下開囑軒宋蘇軾

啼鳩催天明喧喧相詆誚暗蛩泣夜永唧唧自相弔
飲風蟬至潔長吟不改調食土蚓無腸亦自終夕叫
鳶貪聲最鄙鵲喜意可料皆緣不平鳴慟哭等嬉笑
阮生已踈狂孫子亦未妙道人開此軒清坐默自照
衝風振河海不能驅無竅寂寂吾何言風來竹自嘯
烏鵲南飛月自明恨通雲漢水盈盈夜來橋上吳娃
過只道天邊織女行

烏鵲橋

高 啟

南園在城南吳越廣陵王錢元璩所闢營之三十年勝甲吳中今郡學東菜圃也

高 啟

君不見平樂館古城何處寒雲滿君不見奉誠園荒
臺無蹤秋草繁白石沉山水歸海寒暑頻催陵谷改
皇天大運有推移富貴於人豈長在請看當年廣陵
王雙旌六纛何輝煌幸逢中國久多故一家割據誇
雄強園中歡遊恐遲暮美人能歌客能賦車馬春風
日日來楊花吹滿城南路疊石為山引泉為池辟疆
舊園何足奇經營三十年欲令子孫永保之不知回

首今幾時繁華掃地無復遺門掩愁鴉嘯風雨種菜
老翁來作主空餘怪石卧池邊欲問興亡不能語春
已去人不來一樹兩樹桃花開射堂踟圃俱青苔何
須雍門琴但令對此便可哀人生不飲胡為哉人生
不飲胡為哉

南園二首

國朝 彭孫適

三月南園雨復晴輕衣初試踏青行碧桃水暖通人
境綠柳陰濃覆女城春草欲將幽佩結夕陽多傍畫
橈明閒中易有芳時恨花落空林已暗驚

聞唱吳歛早倦聽南園猶作片時停集賢舊苑

暮相國東門草自青南園廣陵王錢元璩池館宋集賢校理蘇舜欽買居之在吳東

門芳樹斜陽成晚晚孤帆細雨極飄零朝來觸目多

惆悵榆莢花殘已滿庭

詩谿雜興 明韓雍

霜重林已空風高水愈涸荒園一散步暮景覺蕭索
忽見古梅樹橫斜出籬落攬衣看枝柯相將綻紅萼
歲寒幸有此氣味儘可託

與二弟泛舟遊吳氏東莊因寄匏翁

文林

綠城畛流水榆柳綠蔭門艤舟信登涉忽得吳公園
小亭面高岡蘿徑隱可捫青山出墻頭白雲宿林根
歌鶯滯池曲游魚戲波渾繁景當首夏過雨氣微溫
老我獨已樂偕有弟與昆清唱散林木起行歷郊原
日斜亂人影眷戀忘歸轅水木予夙好况茲故情敦
主人方宦達樂事誰與論室邇人則遐相思黯消魂
出處各有會一笑復餘尊

雨夜宿吳匏菴宅

沈周

雨中客舍苦局促故人招我有尺牘書云竹居可開
坐烹茶剪韭亦不俗得書徑往興亦豪何慮衝泥汚
雙足開門山林在城市溼綠如雲亞羣竹主人盤折
故意深道慰契闊須信宿榻上爲我設衾枕堂中爲
我羅酒肉我時肺病已絕飲強舉一觴連五六長談
細辨困僕夫燈影簷花亂書屋羨君有弟雅誼同山
水光明信珠玉故事方思衛八家還咏逍遙堂後木
人生良會豈易易他日如今又難卜謬圖菲語何足
記雪泥聊耳知鴻鵠

西施采蓮歐冶鑄劍所

李紳

嵐光花影繞山陰
山轉花稀到碧潯
傾國美人妖艷
遠鑿山良冶鑄爐深
凌波莫惜臨妝面
瑩鏘當期出
匣心應是蛟龍長
不去若耶秋水尚沈沈

采蓮涇

在城東南

高啟

青房戢多子采得儂
心喜今夜水風涼
君王宿船裡
行處綠雲迷
歌聲一道齊
回頭調越女
何似若耶溪
赤門道中

張羽

片帆迢遞入吳烟
竹溆蘆洲漸復連
柳影濃遮官道

上蟬聲多傍驛樓
前近湖漁舍皆懸網
而浦人家盡
種蓮行到吳王夜
遊處滿川芳草獨堪憐

荷花蕩夜歸次吳水部德徵詩

文林

采芳日暮未言歸
處處村家息杼機
水漫蓮洲愁路
斷月明沙渚覺鷗飛
高歌小海風波急
回首橫塘烟
火微蘭棹屢移尊
屢倒不知露下已霑衣

寶帶橋

釋善住

運得他山石還將石作梁
直從隄上去橫跨水中央
白鷺下秋色蒼龍浮夕陽
濤聲當夜起併入榜歌長

寶帶橋弔陳瑋妻張氏

國朝 吳有涯

不得死郎前將心託何處橋邊水鳴咽定向吳江去

丙戌正月被擄至此投水死

澹臺湖

施閨章

子羽善含章耿介蘊維畧高步薄詭隨棲遁躡芒屨
寥寥衡門內弦歌時問作中流怒雙蛟長嘯氣不怍
揮劍復碎璧慷慨何卓犖寧知渡江來音徽助文學
古墓緬雲烟荒祠照城郭洋洋湖波間流風一如昨

九里湖

吳 驥

太湖風濤湧銀屋望處令人駭心目豈知數里小澄
湖近接吳淞烟水曲未能朝宗會百川頗擅清虛遠
塵俗沿隄冉冉春流漫拍岸溶溶朝雨足桃花浪暖
鏡光明時動微瀾皺輕縠忘機鷗鳥自往還無意汀
蒲爲誰綠農憂亢旱資灌溉戶有鮮鱗供口腹我遊
朔方思故鄉恒厭黃埃暗山谷此日南歸得縱觀欣
聞漁唱聲相續欲收佳景入吟懷俄報斜陽去何速

顧榮廟

明 高 啟

晉侍中顧彥先有墓并祠在長洲之東久而

廢爲淫祀縣令周君復之爲賦是詩

軍司吳國秀機神夙超朗弱冠遊洛師已蒙南金賞
崎嶇諸王幕沉湎務遵養中罹廣陵艱計服匪誠枉
風雲一揮扇義旅臻同響事成恥言勲飄然理歸鞅
晉社始徂遷羣賢悉收獎道謁真感會矯翼丹霄上
德聞一代稱跡泯千齡往時屯乏良佐英謨益堪想
壇祠託荒郊蕭條並榛莽堯童侵雨隧淫巫闖神幌
大夫過停轅式瞻爲含愴衣冠復故貌几筵敝新享
寡劣忝鄉人因歌表遐仰

問吳宮辭

并序

唐
陸龜蒙

甫里之鄉曰吳宮在長洲苑東南五十里非
夫差所幸之別館耶披圖籍不見其說詢故
老不得其地其名存其跡滅悵然興懷古之
思作問吳宮辭

彼吳之宮兮江之涯複道盤盤兮高且斜波搖疏兮
霧濛箔菡萏國兮鴛鴦家鸞之簫兮蛟之瑟駢筠參
差兮界絲密燕曲房兮上初日月落星稀兮歌酣未
畢越山叢叢兮越溪疾美人雜劍兮相先後出火姑

蘇兮沼長洲此宮之麗人兮留乎不留霜氛重兮孤
榜曉遠樹枯疎兮愁烟情渺欲撫愁烟兮問故宮又
恐愁烟兮惟白鳥

暑中遷寓甫里精舍

元柳貫

城隅亦有果園坊容得閒人借草堂何必漁樵之笠
澤故多水石近滄浪過橋稍接魚蝦市泛艇遙連雁
鷺鄉秋雨幾時能破塊夜燈休負讀書牀

懷甫里

倪瓚

筇竹依依故里石刊翰墨模糊龐公力田二頃拾遺

舟五湖

野老移家圖爲謝應芳賦

袁華

野老移家向何許迺在吳淞之甫里治生嬾學陶朱
公釣竿欲覓元真子小兒讀書坐船頭大兒擊楫歌
中流細君斫膾婦炊黍老子醉卧蘆花秋人生真樂
不易得兒女團圞居澤國避秦何必問桃源朝泊江
南暮江北

謁甫里祠

明高啟

衣冠寂寞半塵絲想見江湖獨卧時遁跡虛煩明主

詔感懷猶賦散人詩釣魚船去雲迷浦鬪鴨闌空草
蒲池芳藻一杯誰為奠鼓聲只到水神祠

偶過甫里乘月至白蓮寺訪天隨故祠

文徵明

一龕香火白蓮宮古社猶題甫里翁坐挹高風千載

上依然故宅五湖東雨荒杞菊流螢度月滿陂塘鬪

鴨空故草已隨塵土化空瞻遺像寂寥中祠有唐時遺像為狂

人所仆腹中皆翁手稿後像雖設而稿不可復得矣

魏文靖舊宅唐羅昭諫先曾結菴於此

蔣 鉉

野廟斜陽古渡頭千年唐宋水空流蒲砧響落三更
月牧遂寒生萬樹秋老我亂離來避地昔人哀怨此
登樓於今不必憑高望荒草吳宮更起愁

青邱子歌

高 啟

江上有青邱子徙家其南因自號青邱子閒
居無事終日苦吟間作青邱子歌言其意以

解詩淫之誦

青邱子臞而清本是五雲閣下之仙卿何年降謫在

世間向人不道姓與名躡屩厭遠遊荷鋤懶躬耕有
劍任羞澀有書任縱橫不肯折腰爲五斗米不肯掉
舌下七十城但好覓詩句自吟自酬賡田間曳杖復
帶索傍人不識笑且輕謂是魯迂儒楚狂生青邱子
聞之不介意吟聲出吻不絕咿咿鳴朝吟忘其飢暮
吟散不平當其苦時兀兀如被醒頭髮不暇櫛家事
不及營兒啼不知憐客至不果迎不憂回也空不慕
猗氏盈不慙被寬褐不羨垂華纓不問龍虎苦戰鬥
不啻烏兔忙奔傾向水際獨坐林中獨行躡元氣搜

元精造化萬物難隱情冥茫八極遊心兵坐令無象
作有聲微如破懸蝨壯若屠長鯨清司吸沆瀣險比
掛崢嶸靄靄晴雲披軋軋凍草萌高攀天根探月窟
犀照牛渚萬怪呈妙意俄同鬼神會佳景每與江山
爭星虹助光氣烟露滋華英聽音諧韶樂咀味得太
羹世間無物爲我娛自出金石相轟鏗江邊茅屋風
雨晴閉門睡足詩初成叩壺自高歌不顧俗耳驚欲
呼君山老父攜諸仙所弄之長笛和我此歌吹日明
但愁歘忽波浪起鳥獸駭叫山搖崩天帝聞之怒下

遣白鶴迎不容在世作狡獪復結飛珮還瑤京

磧砂寺

在陳湖北

沈周

雙幢落日倚漁汀北下孤舟此暫停野客偶驚雲外
犬老僧隨掩石邊經沙洲獨樹藤蘿紫古殿遺基薺
麥青今夜試留湖上枕踈鐘高浪不堪聽

遊張林山

徐賁

偶為尋花到竹西兩山雲氣接高低午烟僧舍林塘
窅春野人家草樹齊水鶴晴時行麥隴園蜂暖處識
蘭畦自憐遠地歸來後纔是登臨便感悽

陳湖秋汎

陳基

平湖秋色曉蒼蒼鼓枻聲傳浦溆涼鴻雁欲來天拍
水蒹葭初老露為霜菊荒甫里人何在鱸入松江興
轉長不用臨流重懷古葦花菱葉滿滄浪

夜渡吳淞江懷古

唐宋之問

何棹望茲川消鳧獨黯然鄉連江北樹雲斷日南天
劔別龍初沒書成雁不傳離舟無限意催渡復催年

過吳淞

李郢

片帆孤客晚夷猶紅蓼花前水驛秋歲月方驚離別

盡烟波仍駐古今愁雲陰故國山川暮潮落空江網
罟收還有吳娃舊歌曲棹歌遙散采菱舟

吳淞漁樂

明 沈貞吉

家住滄洲白鳥邊捕魚沽酒自年年桃花浪煖堪垂
釣楊柳風輕不繫船帆影帶歸孤嶼月笛聲吹散一
江烟武陵亦是人間路誰說仙家別有天

題李無晦醉眠亭

宋 蘇軾

已向閒中作地仙更於酒裏得天全從教世路風波
惡賀監偏工水上眠

君且歸休我欲眠人言此語出天然醉中對客眠何
害始信陶潛未若賢

題醉眠亭

蘇轍

是非一醉了無餘惟有胸中萬卷書已把人生比蘧
傳更將江浦作堦除欲眠賓客從教去倒臥瞿瑜豈
暇舒京洛舊遊真夢裏秋風無復憶鱸魚

泛澱山湖

明 屠隆

扁舟凌紫氛蕭灑絕人羣浦暗遙吞樹湖空不碍雲
浪推沙鳥出風挾寺鐘聞故有滄洲癖徘徊春夕曛

干將墓

高啟

干將善鑄劍劍成終殺身吳伯亦遂亡神物豈不神
始知服諸侯威武不及仁徒勞冶金鐵精光動星辰
莫邪應同埋荒草千古春青蛇豕間出猶欲恐耕人

晏亭問潮館

國朝徐崧

千年鴨脚樹婆娑亭畔行舟日夜過莫問海潮重到
未狀元吾郡自來多

夜至陽城田家

明高啟

東津渡頭秋月輝南陵寺裏遠鐘微主人入夜門未

掩蒲響滿塘鵝鴨歸

渡陽城湖

釋法杲

不知何所事身墮渺茫間岸白流魚沫天蕭出峴山
樹微看漸滅雲薄去如閒無限隨波意輕舟試徃還

低田婦

沈周

湖田十年纔一畊今年又與湖波平男兒築岸婦踏
水日長踏多力不生百幅翩翩轉鴉尾塗足蓬頭濯
風雨君不見田家不悔苦生涯生女還復嫁田家

吳歌六首

屠隆

下田春水深高田春水綠何故把長鑿無錢買黃犢
 兩男易盎粟猶勝委長渠厨中無夜飯門外催官租
 天上明月光腫龐照華堂富家一夕宴貧家十日糧
 蓮子湖中生亦在湖中長嬌女年十三乘舟學蕩漿
 風篷鳴夜雨水檻出蒼烟夫妻湖口住白首不相捐
 終朝出餉籃薄暮歸織布誰家懷春女輕衫若烟霧

舶趁風

是風起天不雨約十日餘乃止

宋蘇軾

吳中梅雨既過颯然清風彌旬歲歲如此吳
 人謂之舶趁風是時海舶初回云此風自海

上與舶俱至云爾

三旬已過黃梅雨萬里初來舶趁風幾處縈回度山
 曲一時清駛滿江東驚飄簌簌先秋葉喚醒昏昏嗜
 睡翁欲作蘭臺快哉賦卻嫌分別問雌雄

秋雷歎

吳諺云秋字輓損萬斛謂立秋日雷也

范成大

立秋之雷損萬斛吳儂記此占年穀汰哉豐隆無藉
 在政用此時鳴字輓向來夏旱連三月吁嗟上訴聲
 滿屋訟風未憇復占雷助魃為妖天更酷我雖閒寂
 泰祠史家請官供尚倉粟塵甑貧交滿目前卒歲將

何救枵腹但願吳儂言不驗共割黃雲炊白玉天人
遠近叵戲論禪竈安能尸禍福

冬春行

范成大

臘中儲蓄百事利第一先春年米計羣呼步碓滿門
庭運杵成風雷動地節勻箕健無糶糠百斛只費三
日忙齊頭圓潔箭子長隔離耀日雪生光土倉瓦龕
分蓋藏不蠹不腐常新香去年薄收飯不足今年頓
頓炊白玉春耕有種夏有糧接到明年秋刈熟鄰叟
來觀還歎嗟貧人一飯不可賒官租私債分如麻有

米冬春能幾家

燒火盆行

范成大

春前五日初更後排門燃火如晴晝大家薪乾勝豆
荳小家帶葉燒生柴青烟滿城天半白栖鴉驚飛啼
格磔兒孫團坐雞犬忙鄰曲歡笑遙相望黃宮氣應
纔兩月歲陰猶驕風栗烈將行陽合作好春正要火
盆生煖熱

照田蠶行

范成大

鄉村臘月二十五長竿燃炬照南畝近似雲間森列

星遠如風起飄流螢今春雨塗繭絲少的知新歲田
蠶好夜來風焰西復東此占最吉餘難同不惟桑賤
穀芄芄仍更苧蔴無節菜無虫

分歲詞

范成大

質明奉祠古今同吳儂用昏蓋土風禮成樂徹夜未
艾飲福之餘卽分歲地爐火煖蒼朮香行盤果餌如
蜂房就中脆餠專歲物四座齒頰鏘冰霜小兒但喜
新年至頭角長成添意氣老翁把盃心茫然增年反
爾減吾年荆釵勸酒仍祝願願翁尊前且強健君看
今歲舊交親大有人無此盃分老翁飲罷笑撚鬚明
朝重來醉屠酥

打灰堆詞

范成大

除夜將闌曉星爛糞埽堆頭打如願杖敲灰起飛撲
籬不嫌灰澆新節衣老媪當前再三祝只要我家常
富足輕舟作商重船歸大特引犢雞哺兒野繭可繅
麥兩岐短袂換着長衫衣當前婢子挽不住有耳猶
能聞我語但如我願不汝呼一任汝歸彭蠡湖

賣痴鼓詞

范成大

元利縣志 卷三十五
除夕更闌人不睡厭禳遲鈍迎新歲小兒呼叫出長
街家有痴鼓叫人買二物於人誰獨無就中吳儂偏
有餘巷南巷北賣不得相逢大笑相揶揄老翁塊坐
重簷下獨要買添今問價兒云翁買不須錢奉賒痴
鼓千百年

燈市行

范成大

吳臺今古繁華地偏愛元宵燈影戲春前臘後天好
晴已向街頭作燈市壘玉千絲似鬼工翦羅萬眼人
力窮兩品爭先最先出不待三五迎東風兒童種麥
荷鋤倦偷閒也向城中看酒鑪博塞襍歌呼夜夜長
如正月半災傷不及十之二三歲寒民氣如春酣農家
只幸荒年少始覺城中燈市好

祀竈詞

范成大

古稱臘月二十四竈君朝天欲言事雲車風馬少流
連家有杯盤豐腆祀豬首爛熟雙魚鮮豆沙甘鬆粉
餅團男兒酌酒女兒避酹酒燒錢竈君喜婢子鬪爭
君莫聞猫狗觸穢君莫嗔送君醉飲登天門杓長杓
短勿復云乞取利市歸來分

爆竹行

范成大

歲朝爆竹傳自昔吳儂正月前五日食殘豆粥掃罷
塵截筒五尺煨荒薪節間汗流火方透健僕取將仍
立走兒童却退避其錢當堦擊地雷霆吼一聲兩聲
百鬼驚五聲六聲鬼巢頌十聲連百神道寧八方上
下皆和平却拾焦頭壘床底猶有餘威可驅厲屏除
藥物添酒盃盡日嬉遊夜濃睡

迎春歌

明
袁宏道

東風吹煖婁江樹三衢九陌凝烟霧白馬如龍破雪
飛犢車碾水穿香度饒吹拍拍走烟塵炫服靚粧十
萬人羅額鮮明紛綵勝社歌繚繞簇芒神緋衣金帶
印如斗前列長官後太守烏紗新縷漢宮花青奴跪
進屠蘇酒采蓮舟上玉作幢歌童毛女白雙雙梨園
舊樂三十部蘇州新譜十三腔假面胡頭跳如虎窄
衫繡袴槌大鼓金蟒纏身神鬼粧白衣合掌觀音舞
觀者如山錦相屬雜沓誰分絲與肉一路香風吹笑
聲十里紅紗遮醉玉青蓮衫子藕荷裳透額垂髻淡
淡粧拾得春條誇姊妹袖來佳果擲兒郎急管繁絃

又一時千門楊柳破青枝獨有閉門袁大令塵擁書
床生網絲

走三橋詞

陸伸

細娘分付後庭雞不到天明莫浪啼走徧三橋燈已

落却嫌羅襪污春泥

吳人呼處
女為細娘

冶遊

國朝 邵長蘅

吳峯如點黛吳溪如染藍吳娃艷妝裹冶遊心所欣
玉腕黃金釧鴟鬟琥珀簪月華百褶裙杏子單紅衫
二月春始半蹋青邀女伴小桃虎邱紅新柳山塘短

燒香觀音山絲繡三丈旛拔釵供佛會共郎遊梵天
五月胥江怒水嬉謹競渡團扇薄不遮故教冶容露
六月荷花蕩輕橈泛蘭塘花嬌映紅玉語笑薰風香
中秋千人石聽歌細如髮十八楞伽山湖亭待串月
何許更登高吳山黃花節冶遊春復秋婉孌不知愁
西鄉大養蠶東鄉種棉花養蠶妙條桑種花妹紡車
儂自袖手坐衣著綾羅紗

紅菱

尤侗

采蓮歌未歇又唱采菱歌頭角崢嶸甚肌膚冰雪多

紫衣能映坐羅襪解凌波我欲拏花蕊粧臺照翠蛾
水窰歌 尤倬

我聞古之凌陰備祭祀今何爲者惟謀利君不見葑
溪門外二十四年年特爲海鮮置潭深如井屋高山
瀦水四面環冰田孟冬寒至水生骨一片頗黎照澄
月窰戶重裘氣揚揚指麾打冰衆如狂窮人愛錢不
惜命赤脚踏冰寒割脛槌舂撞擊聲殷空勢欲敲碎
馮夷宮砢砢倏驚倒崖谷淙琤旋疑響瓊玉千筐萬
筐紛周遭須臾堆作冰山高堆冰成山心始快來歲
鮮多十倍賣海鮮不發可奈何街頭六月涼冰多

元和縣志卷之三十五

藝文

元和縣志卷之三十一

藝文 補從前未備

題虎印山西寺

唐 朱長文

王氏家山昔在茲陸機爲賦陸雲詩青蓮香匝東西
寺日月與僧無盡時

蘇州一不住遙望武邱報恩兩寺 李 紳

秋山古寺東西達竹院松門悵望同幽鳥靜時侵徑
月野煙消處滿林風塔分朱雁餘霞外剎對金螭落
照中官備散寮身却累往來慙謝二蓮宮

真娘墓

沈亞之

金釵淪劍壑茲地似花臺油壁何人值錢塘度曲哀
翠餘長染柳香重欲薰梅但道行雲去應隨蝶夢來

虎邱寺贈漁處士

趙嘏

蘭若雲深處前年客重過巖空秋色動水濶夕陽多
早負江河志今如髣髴何唯思閒勝我釣艇在煙波

虎邱寺殿前有古杉一本形狀醜怪圖之不盡

况百卉競媚若如若媚唯此杉死抱竒節髡
然闐然不知雨露之可生也風雷之可瘁也

乃造化者方外之材乎遂賦三百言以見志

皮日休

種日應逢晉枯來必自隋鱗狂將立處螭鬪未關時
卓犖擲槍榦义牙束戟枝初驚鏐篆活復訝獠狂癡
勁質如堯瘦貞容學舜徽勢能擒土伯醜可駭山祇
虎爪拿巖穩虬身脫浪歌槎頭秃似刷楫背利於錐
突兀方相脛鱗皴夏氏脈根應藏鬼血柯欲漏龍漿
拘似神荼怒呀如狻猊飢朽癰難可吮枯瘡不堪治
一炷元雲拔三尋黑稍竒狼頭教宰豎蠱尾掘孿垂

目燥那逢燿心開豈中鉞任苔爲疥癬從蠹作瘡痍
品格齊遼鶴年齡等寶龜將懷縮地力欲負拔山姿
未倒防風骨初僵負貳屍漆書明古本鐵室抗全師
礮礪還無極伶俜又莫持堅應敵駿骨文定寫麒麟
蟠屈愁凌刹騰驤恐攫池搶煙寒嶠嶰披蒿靜離襪
威仰誠難識勾芒恐不知好燒胡律看堪共達多期
寡色諸芳笑無聲衆籟疑終添八柱位未要一繩維
盡日來唯我當春玩更誰他年如入用直構太平基

江湖散人歌

陸龜蒙

江湖散人天骨竒短髮搔來蓬半垂手提孤篋曳寒
繭口誦太古滄浪詞詞云太古萬萬古民性甚野無
風期夜棲止與禽獸雜獨自構架縱橫枝因而稱曰
有巢氏民共敬貴如君師當時只效烏鵲輩豈是有
意陳尊卑無端後聖穿鑿破一派前導千流隨多方
惱亂元氣死日使文字生姦欺聖人事業轉銷耗尚
有漁者存熙熙風波不獨困一士凡百器具皆能施
鼠疎滬腐鱸鱖脫止失檢馭無讒疵人間所謂好男
子我見婦女留鬚眉奴顏婢膝真乞丐反以正直爲

狂癡所以頭欲散不散弁裘魏所以腰欲散不散珮
陸離行散任之適坐散從傾歌語散空谷應笑散春
雲披衣散單履便食散酸醎宜書散渾真草酒散甘
醇醕屋散勢斜直樹散行參差客散忘簪屨禽獸散
虛籠池物外一以散中心散何疑不共諸侯分邑里
不與天子專墮陴靜則守桑柘亂則逃妻兒金鑣貝
帶未嘗識白刃殺我窮生爲或聞蕃將負恩澤號令
鐵馬如風馳大君年小丞相少當軸自請都旌旗神
鋒悉出羽林仗續畫日月蟠龍螭太宗基業甚牢固

虎印

宋俞樾

突兀浮圖插翠微吳王事迹總成非寺僧未晚山門
閉不放閒雲一片飛

平江臘月廿五夜作

陳藻

昨夜宰猪家祭竈今宵洗豆俗爲糜燔柴夾水明如
晝裁竹當階爆禦魑故國賽還新歲願老翁回憶幼
年時才高命薄天相戲我亦剛腸不肯悲

吳王試劍石

周弼

吳王鑄劍成自謂古難比試之高山巔石裂斷橫理

那無昔時人相逢干將里故宮宮中白日長春風野
田百草香有誰慷慨不平事披褐踏花推酒缸

虎印

元楊仲友

虎是何年踞名存迹已亡塔從林外出山向寺中藏
池暗生寒氣臺荒受夕陽更無人弔古來祇爲春忙

過吳淞江

明顧觀

吳淞三萬六千頃震澤與之俱渺茫鴻雁一聲天接
水蒹葭八月露爲霜輕風謾颭漁榔笛落日偏驚估
客航我亦年來倦游歷解纓隨處濯滄浪

遊虎邱

楊守陳

出城纔數里已到白雲間但見門臨水那知寺有山
鐘鳴僧出定林動鶴飛還石磴行行遍花宮盡啓關
春陪呂志學曾彥魯劉仲原同登虎邱賦呈屠

中長老

邾經

虎邱山前新築城虎邱寺裏斷人行梵僧自識灰千
劫蜀魄時飄淚一聲漸少松杉圍翠堵無多桃李過
清明向來游事誇全盛曾對春風詠太平

東禪寺

李應楨

松杉滿院風豆莢一籬綠不聞車馬喧時有高人宿
已巳九月舟次相城 王 鏊

幾年約茲游為訪石田叟石田今已亡不使此言負
相知三四人拏舟過湖口行行抵相城自卯將及酉
四顧何茫然天水合為藪茅屋數家存荒蒲與衰柳
本來魚鱉宮自合鷗鷺守始田者為誰餒也非自取
有司事誅求亡者十八九念此為徬徨獨立延竚久
作詩當風謠以告民父母

夜登虎邱次韻

錢 穀

遙憶梅花閣還思修竹林煙迷山徑窄雲鎖石苔深
香界期重宿筠亭擬更臨悠然停采艫燈火晚陰陰

遊虎邱

伊 乘

舟行山在眼到門山忽失去郭僅七里攀磴窮百尺
巖姿互明晦潭影杳深黑步倦松暫憩醉眠草堪席
不逢試劍人猶覩試劍石臺殿半空起雞犬下方漏
經聲雜梵唄禪定悟空寂晉唐歷劫多劉白不世出
闡劇固殊調登覽各有適重來預作期昨游宛然憶
了性未有因寓形何苦役依此憺忘歸於焉永終日

登虎邱寺閣

婁堅

茲山寶薈蔚能使流目迷高閣出樹顛連峯亘其西
平生山中客今來始攀躋浮圖勢更高登之憚層梯
聊此牕間眺已覺飛鳥低平疇帶曲水遙見來時蹊
高下各有適物理將無齊

劉憲石招遊虎邱奉答

蔣臣

山川猶昨日金虎氣全凋萬事蹉跎盡千秋涕淚遙
寒蟿依畫舫欹柳卧平橋勝地欣相見何年復此宵

虎邱春步

陸壽國

好鳥語芳樹春山遠近看攀厓振蘿策度塔跨雲鞍
縞袖翔飛燕青箋賦木蘭雨餘客去後新月上欄干

拜文信國祠下

金鉉

復妬自天運臣道無終窮殉節士所恒寧足矜子功
偉哉一文士毅然任卽戎棘行若履坦所在吟淒風
一息苟可奮安忍卽瘖聾九死固所甘但惜炎運終
堪嗟生祭者不足語微衷

塔影園

萬日吉

半壁依青嶂千峯落翠微草堂冰雪路山鬼薜蘿衣

斷塔仍栖鴿荒岡亦采薇中原方格鬪坐卧掩柴扉
虎印弔五人墓 李之椿

亂賊兒孫擁安危呼吸爭五人能就死衆正始俱生
矯逆原非詔拳兇不爲名忠魂今尚在時映夕霞明

虎印春眺

朱 隗

桃花水漲沒桃溪掩映紅橋碧草齊萬樹垂楊深雨
裏村南村北鵝鳩啼

五人墓

吳如晦

尚公坐羣兒趨清流士當受誅周吏部灑別淚尚公

檻車逮吏部行吳民驚毛開府暗無聲較尉言尚
公詔嗟鼠輩勿聚嘯謂汝詔出天子尚公誰惡敢爾
五人呼萬人起緹帥血滴泥裏此五人良非愚慷慨
死真丈夫虎印南廳以馳巍然者尚公祠祠未成氷
山傾山南土俄已平廢基下新碑樹巍然者五人墓
客虎印中秋無月 項聖謨

驚心吳楚客倏忽度中秋明月生何處微風倚寺樓
孤吟淹北渚極目望西疇夜靜風傳柝江臯動遠愁
葑門化城菴留別社中諸友 讀 徹

相送了無意臨岐忽黯然回看吳苑樹獨上秣陵船
春老還山路江昏欲暮天白鷗休避我拍拍碧波圓

虎邱

國朝 王士正

闔廬霸業夕陽沉鐘梵空山自古今劍去虎邱青嶂
水枯鶴澗碧苔侵吳宮歌散聲猶苦越絕書成怨
不任惟有生公臺畔石年年白月照禪心

二

登臨一上可中亭疊嶂回巒面面青昔日山堂誰說
法至今片石尚精靈四圍竹翠晴猶滴萬壑鐘音晚

更聽乘興探梅竟忘返白公堤外雪冥冥

闔廬墓

王士正

劍池春日水清虛石壁臨風弔闔廬於越行成誰狡
獍夫椒往事重欷歔飄零王氣傳金虎寂寞空山葵
玉魚太息恩讎竟何在荒臺青草認姑胥

虎邱雪浪軒眺望

王士正

高閣滴春雪溪山如畫圖輝輝浮震澤靄靄眺吳都
遠近清暉合瓏璵碧樹扶諸天坐來暝香積下飢烏

五人墓

王士正

流連虎阜遊宛轉山塘路石門映迴波英靈此中聚
滿壇松桂陰落日青楓樹生傍伍胥潮死近要離墓
千秋忠介墳鬼雄誓相赴酌酒拂蒼碑寒鴉自來去

東禪寺林酒仙祠

朱彝尊

獨破珠林戒惟貪米汁甘醉鄉仍此地古佛與同龕
北礪遺銘在中吳舊事諳門前留綠樹過客每停驂

闔廬墓

汪懋麟

吳王好寶劍殉葬埋山隅發卒千萬人桐棺藏玉鳧
匣沉劍池底光怪時有無祖龍欲求劍發塚欺闔廬

忽見白虎踞徒旅皆驚趨此事終茫昧理勢豈然平
吳宮有嬌女蒸魚命忽徂送葬舞白鶴聚觀萬民俱
發機盡掩之白骨成村墟湛盧惡無道入楚潛去吳
魚腸殺王僚背逆良可吁磐郢送死女寶劍皆空虛
誰能起歐冶此說聞風胡古鐵亦有靈亂邦詎能居
王道自無敵一劍真匹夫區區吳與秦所見亦何愚

真娘墓

孫枝蔚

世上美人偏不久看花時節舞裙朽化爲黃土香春
風何況當筵親勸酒無人經過不題詩爲問芳魂知

不知墳前草色青如此城裏歌聲那可遲

短簿祠

鄭日奎

我過短簿祠喟然起太息歎君筆如椽乃供幕中畫
喜怒操人意陰謀復誰識嗟乎海西廢安知非君策
晉祚方中微廟堂孰努力強私而弱公難免春秋責
一祠空復在烜赫已非昔短簿非美名傳呼不與易
信知衆人口嚴於聖人筆寄語文章士身名當護惜
二姜先生祠 潘耒

軾轍齊名世早知百年忠義繫人思忠傳折檻排奸

日義想銜刀伏闕時兩地青磷埋宿草一山紅樹妥
新祠吳門野老多相識雪涕爭看幼婦碑

虎邱二姜先生祠

王焜

掖垣抗疏觸天威拜杖淋漓血染衣遠戍孤臣終守
節罷官難弟竟無歸宣州藁葬依靈爽茂苑荒祠隱
翠微下馬行人奠椒醕千秋孤竹並光輝

沈莊樵幽居

馮勗

楊柳塘東更向東綠蒲紅蓼各成叢三家村口少人
過獨木橋邊有路通老屋短垣披薜荔主人長日注

魚蟲客來彷彿桃源內雞黍為歡話古風

竹垞先生留宿楓橋慧慶寺夜話追悼陸文孫

徐永宣

朔風號怒紙燼前憶舊僧房感逝川鄉曲公憐楊狗
監天涯吾悼李龜年雪深院落妻無絮葉擁階除突
少煙此夜楓青燈影黑鼓寒霜重不成眠

訪汪鈍翁先生故居

繆沅

山光塔影尚嶙峋遺築邱南野水濱草沒垣衣何限
感乞花場上弔詩人

虎邱同侯粲辰華子山訪山陰戴隱君南枝

杜詔

共理登山屐兼停訪戴船誅茆容大隱宿草泣高賢

南枝賣字 往事空禾黍傷心只杜鵑塵襟聊一洗清

挹第三泉

楓橋舟次

王圖炳

昔年曾宿楓橋下澹蕩春風漁火夜亂挽垂楊結畫
橈吳娘低唱雨瀟瀟重來且醉楓橋酒秋江無復青
青柳惟有寒山夜半鐘依然飄到客船中

同徐曜菴過萬壽寺

張大受

同過精藍地看題舊日名閣非禪月記鐘是福寧聲
老樹雲遮屋清溪月傍城遊人延佇久嬾散一僧迎

邀樸村夜話鏡虹橋

張大受

四先生後君傑出諸少年場僕未能橫港扁舟邀忽
至將門小閣快同登名流星散空傷鳳健筆風生似
脫鷹為把鏡虹橋畔盞鬚眉歷落照泓澄

補吳趨吟

李必恒

幼伶

髮髻束髮兒白哲乃無比疎疎眉眼好粲粲脣齒美
五歲教識字從師按宮徵手口兼授受辛苦肆鞭箠
技成鄰里賀父母為色喜挾之走四方飄然離桑梓
登場傅粉墨當筵矜爪觜參軍與老鶻覩顏不知耻
本心漸放矢垂老悔莫徒先王分四民農工商賈士
各各有常業服習自幼始所以風俗完淳閭臻上理
梨園肇李唐近代益波靡吳儂貫成習比閭莫嘗嬰
生兒教義方苦獲陷童穉隸籍儕教坊編戶弗與齒
若為急謀生所獲寧有幾輪輿與梓匠執一亦足恃

或云此有由豪門及王即千金裝傀儡樂部購聲伎
豈忍捐骨肉乃爲重貨餌上好下必甚此論誠近理
愚氓固難喻陋俗會應洗何當設厲禁是用勗君子
監刻

結繩既已遠書契日以煩竹素事鈔謄厥力亦孔艱
刊本始石晉九經方流傳踵事製彌精累朝蓋相沿
濫觴遂橫流未若今代然白頭老講師橫身踞坵壇
餘吐拾朱程口舌如瀾翻移時變黑白其言浩無端
亦有狡獪子操觚肆譏彈假此立名譽徒徑躋清班

翩翩寡學徒聲韻粗能諳行卷如束筍贈送多厚顏
紛紜逮百家媒褻至稗官奸賈競牟利各各爭雕鐫
此事江南盛此風吳會繁薰蕕誰能判梨棗抑何冤
真堪刻谿弔翻思羸秦燔我欲血面請拔本塞其源
六經暨子史日月懸不刊其餘悉禁止一切從焚芟
息邪而放淫庶爲聖道閑衆喙一朝靜正始徐自還
惜權不我有伊誰砥狂瀾

上巳陪汪隸園吉士彭瞻庭編修泛舟山塘分

得麗字

徐昂發

江水碧於雲春山亂若薺蘭棹斜衝香苻開蒲帆半
倚東風銳恰是棠梨寒食天紗衣羅扇還修禊主人
勸客頗黎春螺琰銀梓自佳麗推篷瀉入明鏡光羣
峯倒影搖青髻花朵如釵紫蝶銜波鱗沒鄰行人揭
依依振柁出山塘破鼻花香沙路霽赤欄橋畔酒旗
翻白鷺灘頭絲紉繫何處清歌切碧霄杪檀小板琵琶
悵斷腸人載油壁車一路鶯聲官柳細紅裙取醉
非吾事曲磻幽巖欣一憇况從仙老侍琴壺嘲談騷
雅吧根蔕打漿迴船夕氣昏新月梢梢墮衫袂主人

續剪樺燭煙壓酒甘酸粢蕉荔官鼓初槌漏板鳴藏
鈞更睹芳蕤謎欹斜醉眼眩紅綠亂襲蠻牋寫清製
樽前回首真孃墳柘枝紫袖今荒碣明朝風雨却獨
來滿地落花誰莫瘞

澹泊居花下招同惠仲儒鄭季雅沈歸愚徐龍
友王斗文小飲作歌卽送季雅入都

顧紹敏

荷明雨過春濛濛情懷索莫如寒蛩西河有淚久鳴
咽夜半夢覺驚惺忪古香荒土劖新塚一杯清醑澆

蒿蓬書齋魚尾鎖寂寞蛛絲罨席垂簾櫳誰知造物
每多事也復亂發花叢叢鼠姑兩本色欲絕開軒一
笑驚春紅家人怪我少歡緒依然羅幕張輕風竹萌
如玉鱸如雪好友招集開醅濃索即快覩碧椀凍花
光酒色相矐矐清平三調久稱絕元輿一賦誰爭雄
諸公才思並清俊妍雅合度吹笙鏞所疑雲龍本一
氣愈何軒達郊何窮飲停鄭子語刺促忽爾言別辭
江東榆錢散打綠陰暗黃沙撲面飛鬢鬆去年作客
太無賴秋南春北隨飛鴻何如束腹卧窮巷卷書細

讀聽長松鄭子掉頭意不爾令我愁別悲忡忡

五人墓

朱奕恂

花市東頭俠骨香斷碑和雨立寒塘屠沽能碧千年
血松檜猶飛六月霜翠石夜通金虎氣荒邱晴貫斗
牛芒片帆落處寒清藻幾伴歸鴉弔夕陽

弔五人墓

林明倫

西市繁霜日南纏貫索中歌詩憂板蕩占象歎屯蒙
國柄歸旁落刑餘蔽主聰衣冠嬰赤族屠狗叫蒼穹
竟觸貂璫怒誰憐骨鯁忠捐生片語易仗義五人同

道直心寧悔名存死不空招魂隄水上葬骨武邱東
墓草侵階綠山鵲帶血紅要離三尺土千古共英風

虎邱題壁

陳恭尹

虎跡蒼茫霸業沉古時山色尚陰陰半樓月影千家
笛萬里天涯一夜砧南國干戈征士淚西風刀剪美
人心市中亦有吹簾客乞食吳門秋又深

箬包船紀事

王應奎

有船銳其首以箬包裹之名爲箬包船聚泊疑茅茨
浮家無定所忽湖忽江湄居貨挾土產擅技兼卜醫

中有無良者行乞同殘黎詎料豺狼心所志竊童兒
神咒與餅餌給兒兒輒迷牽引至船中毒手恣所爲
或爲矐其目或爲攙其肢或屈曲其體如籛條戚施
形骸幾變盡父母居然疑清晨負之出索錢號九達
夕仍負以入傾倒囊中資數倘有不充攢刺加鞭笞
苟延此殘喘性命危如絲有時更肆惡視彼軀幹肥
入之人鮓甕飽噉若鋪糜吸兒腦與髓嚼兒肝與脾
從此筋骨強便可耐刀錐更聞藏秘器賣以療疴羸
一七爲神膏索值恒不訾淫人所長生食之甘如飴

又聞湖海濱茫洋有神祠神曰抽筋姆此輩所皈依
重午暨中秋廟門塞靈旗羣船競祭賽以兒爲牲犧
祭罷飲福酒狼籍酪與醜年來迭敗露官長胥周知
勿問所從來立斃陳其屍謂足抵兒命此外無窮治
不究其本根徒然剪旁枝官長法深刻何獨偏仁慈
其毒仍滋蔓其故難尋窺誰爲采風者聽我歌此詩

謁文信國祠

沈德潛

先生今不死萬古仰完人興喪由天命安危仗此身
厓山俱赴難燕市獨成仁遺廟平江路輝煌俎豆新

二

故君淪漠北幼主立中朝家國存餘燼風霜識後凋
臣心指南錄天意浙江潮此日羞蘋藻誰人賦大招

三

一旅圖興復孤臣立國難俘囚歸北地生死著南冠
正氣千秋在丹心後代看西臺舊賓客慟哭淚洗瀾

四

旌節臨吳地今傳信國祠蛟龍蟠古栢風雨卷靈旗
高棟巍峩日忠魂陟降時朔方起輦谷寂寞幾人知

塔影園文讌

沈德潛

桂香入座午風清
簪盃閒園會友生
嘉客攜羣來鹿水
仙槎浮浪自滄瀛
吾衰幸未車生耳
類聚欣占鳳善鳴
若箇當筵馳陣馬
文成先吐句庚庚

二

對酒當歌歌可夫
由來良會重吾吳
文章聲價關金石
霸業消沉弔蠅蝓
嵐翠斷邊銜落照
波光定處卧浮圖
興高狂語頻驚坐
依舊江湖一釣徒

三

社事飄零散慎交
敦槃此日續西郊
道存砥礪聯三益
象取乾離玩六爻
剖異正須分黑白
和聲終貴合絃匏
諸君預擬明堂詠
肯效楊雲作解嘲

四

地是野王文讌地
時當白帝駐車時
千秋懷古每如此
四國名流某在斯
深喜蘇瓌真有子
還希杜甫願多師
只慙老我推頽甚
空艷梅村修禊詩

虎邱玉蘭歌

沈德潛

虎邱山背玉蘭樹
千春疑有神明護
臙腫拳曲仍高

撐腹空歎石同兒乳榦如虬龍根積鐵天成轉似人
工鑄花開冷艷漫雲衢覆蓋招提徧瓊瑤行人高望
眩銀海清氣逼餘難久注傳聞花石成綱年朱勔採
訪窮民間搜巖剔藪貢洛下苑囿彷彿三神山此樹
撥遺置吳苑何異高士雲中眠於今良嶽久灰燼海
湧一樹偏流傳客來正值花繁會坐對霜華增感槩
朱氏子孫遭迸逐潛逃郊外依蒿萊種花花術轉成
名相沿祖業擔花賣惟餘巖畔最高柯曾歷宣和舊
夢忭人生鳥影電光同卉木蒼涼閱朝代拙政山茶
久已枯梅村歌後艷吳都筆墨從來能壽世賦詩作
繪仗通儒坐中恰有丹青手倩寫晴嵐古雪圖

題家匠門潮生閣

張雲章

綺疏通遠岑活碧弄淺渚我欲攜被來夜聽舟人語

二

三宿戀未休百川時已灌披襟雄風來圖畫四面看

觀梅高酣亭

徐夔

二月寒轉甚江梅春正賒真成冰玉骨纔放兩三花
峴曲猶殘雪池清更淺沙山公好事者頻寄一枝斜

過樾公古栢山房

徐夔

罨畫雲山處禪房傍樹低祖師曾種栢居士忽聞犀
大意叅牛跡吾生學馬蹄庭臯秋響急猶自叫莎雞

獅子林

張鵬翀

仇池九十九嵩少三十六每誦坡公詩悠然想游目
忽逢獅子林瑰麗森萬族豈真山可移詎假地能縮
遠迴萬里勢直作巾笥蓄吳中古禪隱妙意創幽獨
劃如巨靈開倒若華頂蹙窺之繚而深入則窈以曲
盪空風馮虛穿竇日解駭欲出津已迷轉進道疑複
空靈開心蓬是眩媿眼肉忽捫巖腹松小倚亭陰竹

遙想古牕閒焚香道書讀結廬慕張柳聯句聚皮陸
我來春雨餘娟麗鬪新流興隨清吟豪游怕夕陽促
遠當鄰麻姑近可配林屋壺中峯欲走裏底石應慙
平生勝覽稀此夕詫竒福贏得夢魂中亂雲峯矗矗

遊師子林同喬慕韓顧景嶽賦 王廷魁

我遊師子林寺遂造師子峯幾年闢靈境巧琢驚天工
狡狴何狡獪特兀踞其中鏤空多石洞萬竅殊玲瓏
初入巖下穴兩氣疑溟濛不于三五步日光轉融融
曲折穿上下目眩迷西東一步一換形如入神仙宮

憇澄意恍惚臨去心恍恍忽聞松濤聲林外來秋風

八月三日上虎邱

李重華

不爲紅裙逐隊來天香吹我上層臺滿山秋日正殘
香已有桂花攔路開

同張南華虎邱後湖晚步

翁照

結伴尋秋趁小晴幽溪寂寂少人行友如作畫須求
澹山似論文不喜平乍脫疎林深淺色欲殘清磬有
無聲爲耽此處林泉好連袂還來坐月明

千人石夜坐

翁照

元和縣志 卷三十六
幽尋常得好懷開月冷風清獨舉杯此景有誰能領
峒千人石上一人來

虎邱

沈用濟

山以寺爲門司徒蹟尚存殿形銜木杪鐘響落雲根
虎散金精氣煙寒紫玉魂生公徒聚石無法可名言

貞娘墓

呂楷仁

艷色傾城屬舊聞依然坏土對斜曛香魂應聽生公
法舞袖歌衫付白雲

移居淥水園和秦南岡韻

朱襄

去家百里欲歸難妻女相隨未易安終媿驚猿兼怨
鶴敢誇泊鳳與漂鸞蘇臺一見情如舊臯廡重逢意
暫寬况許平分花月地聯吟亦足慰飢寒

泛舟澹臺河

秦應陽

借得青蓑上釣船湖光灩澦浸春天人行細雨輕煙
外詩在新蒲弱草邊白鳥橫飛山影破紫鱗驚躍浪
紋圓蒼茫漸覺村莊近一點漁菴傍葑田

正月一日雪中過芳潤堂用東坡聚星堂雪詩

韻

繆嗣寅

重雲凝空不成葉極目寒城萬家雪新年屏却塵事
喧出戶更喜人蹤絕茫茫遠山微可覩遮道長松壓
欲折造門早識故人在屐印階泥迹未滅新詩示我
騁雄怪碧海波翻鯨尾掣消寒共斟栢葉酒一吸盃
空醉眼纈傍檐鳥雀聲苦飢翻翅紛紛墮餘屑詩狂
醉舞足自了那惜飛光去如瞥君家客滿尊不空玉
山風雅猶堪說急收清景入毫端凍筆難呵勁於鐵

秋夜宿匠門先生潮生閣

顧若霖

閣枕清流間綠槐秋空明月滿潮來星河遠岸容登
陟草樹平江與溯迴城暗鼓聲隨水上風鳴燈影趁
船開不知黃葉臨牕急破夢濤寒觸似雷

闔廬墓

周準

闔廬舊壤草萋萋遺墓猶存澗畔蹊孤嶺何年傳虎
踞碧林盡日祇烏啼長驅蚤見威荆塞積怨寧忘渡
越溪太息霸圖旋廢棄九原回首迥含悽

謁甫里先生祠

周準

江湖永栖托生計甘不飽終古散人祠市塵不相擾
名高匪絕羣性直詎鄰絞翻嫌漁具傍猶有徵書攬

清風動遠懷誰同薦溪茆

網師小築十二詠

宋宗元

北山草堂

樹萱堂之北結屋山之南屋敞謀還葺山幽許更探
爲貧歸未得濟勝具猶堪比舍多賢達

與沈歸愚彭芝庭諸公爲

比鄰花時興正酣

梅花鐵石山房

敢托餘芬遠芳型屬在茲賦中窺骨榦花外想丰姿
韻自開元勝香寧鄧尉差肝腸期共證只索可人知

濯纓小閣

倒影吞飛閣波澄似鏡明晨光涵其潔晚唱溜同清
脫帽三盃醉枕肱一榻橫覺來臨檻照咄咄尚塵纓

花影亭

孤亭空所有笛弄落花天雁漏雲間字苔沉石上泉
筠簾風細細鏡檻月娟娟好共歌喉轉蹁躑趁舞筵

麗矚樓

底似凭樓好南園淑景回日篩花影碎鶯逗柳煙開
四野霞成幄千村錦作堆誰當一攬盡取次付敲推

度香艇

信宿憐漁父生涯足釣船蕭疎一簞雨杳靄半池煙
遮莫浮家久相將繫艇偏風來香滿座何似棹前川
半巢居

古風懷木處野性愜巢居借得一枝足依然三匝餘
妥紅裯自滿生白室偏虛只欲摩吾腹憑高好曬書

溪西小隱

小有天何在源深徑欲迷雙扉開隱現一水界東西
虹亘林梢渡雲鋤屋角畦澆書閒覓酒隔岸喚山妻

小山叢桂軒

結山不厭小種桂却成叢位置三椽屋婆娑一畝宮
影搖歌扇月香趁酒旗風更愛軒東望排青蔽遠三
斗唐蘇

山靜日逾永消磨寄一屢打頭成率爾容膝便悠然
吟罷焚香坐酣來倚枕眠何須營廣廈只此足安禪
無喧廬

避喧漫道幽棲穩心遠何妨近市居好鳥勸人一尊
酒清風窺我半牀書蕭疎竹影初晴候歷落碁聲午

夢餘除把未償詩債了應無剝啄到吾廬

蹈和館

自笑棲栖謀室處書庄頭腦故冬烘大裘萬丈香山
老廣厦千間錦里翁憐我一寒聊自異愧他三昧與
人同搆來煥館猶蝸舍也假人二輔化工

元和縣志卷之三十六終







